



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Reginonis Abbatis Prumiensis Libri Duo De Ecclesiasticis  
Disciplinis & religione Christiana**

**Regino <Prumiensis>**

**Parisiis, 1671**

Ad Librum Secundum.

**urn:nbn:de:hbz:466:1-14622**

NOTÆ AD REGINONEM. 577

respicit Episcopos & sequentium ordinum Clericos ac LIB. I.  
monachos, secunda laicos.

IN PACTO FRANCOR.] Caput istud integrum retulit Burchardus in suo Decreto, ex Concilio Toletano, ut afferat, sed Pactum non descripsit. Itaque obscurus erit hic locus legenti Burchardum, nisi subdium petat à Reginone, qui Pactum statim posuit in hoc loco. Intelligit autem Pactum à Francis initum cum Ripuariis. Hoc solenni vocabulo tum utebantur ut fœdus significanter vel conventiones pacis. quod nos hodie diceremus *Traité de paix ou d'alliance*. Synodus Dingoltingensis cap. vii. De eo ut nullus hereditate sua privetur nisi per tres causas quas in Pacto scribentur. Eginhardus ad annum Dccccxi. loquens de Legatis Michaëlis Imperatoris CP. ad Karolum magnum missis: *Aquisgrani ubi ad Imperatorem venerunt, scriptum Pacti ab eo in epistola suscipientes, inde reversi Romam, in basilica sancti Petri eundem Pacti seu fœderis libellum à Leone Papa denuo suscepserunt.*

QUI EPISCOPUS] Caput istud aliqua cura nostra indigeret. Sumptum est enim ex Statutis Ecclesiæ antiquis, quæ unicuique Episcopo olim legebantur in consecratione sua. Statuta antiqua orientalium vocata Atto Vercellensis in epistola octava; ubi docet ea di numerata fuisse in centum capitula, initium autem eorum fuisse *Qui Episcopus &c.* Viderat duo istorum statutorum exemplaria Severinus Binus, unum monasterij Gemblacensis, alterum sancti Bavonis in Gandavo. Quod magis mirum est edita ab illo non fuisse. Nam litteræ descripta ut plurimum sicut in Concilio Carthaginensi quarto, tamen illic non extant eo ordine quo leguntur in libris antiquis. Regino, quia ista accipiebat ex Concilio illo Carthaginensi, non citavit Statuta Ecclesiæ antiqua. Nos, cùm res magni momenti sit, & statuta illa perdiū viguerint in Ecclesia, illa quandoque edemus ex vetustissimo codice M S.

AD LIBRUM SECUNDUM.

EX CONCILIO ROTOMAG.] Concilij cuiusdam Rotomagensis canones frequenter laudat  
OO

Regino, qui tamen non reperiuntur in collectionibus Conciliorum. Nam præter istum canonem Regino ex eodem Concilio refert capita 68. 69. 167. 390. 406. 415. & 416. istius secundi libri. Antiquum autem esse oportuit Concilium illud, cum habitum sit ante Reginonem. Fortassis etiam antiquius est anno DCCCLVIII. cum Herardus Turonensis utatur quibusdam verbis quæ extant in isto capite, ut statim dicetur. Sed alibi commodior erit de his agendi locus.

**S Y N O D U M ]** id est, conventum in Ecclesia habendum cum Episcopus ad illam accederet visitatus. Duplex ergo synodus, uti suprà diximus. Una, quam Episcopus in civitate agebat; ad quam venire tenebantur Presbyteri ex rusticis parœciis, pro inquisitione ministerij sui. Alia, quam Episcopus vel ejus ministri tenebant in unaquaque Ecclesia, cum visitationis munus obibant, in qua Presbyteri reddebant rationem ministerij sui, & in qua judicabant causæ synodales uniuscujusque parœciæ. Infrà cap. cccxxxiv. De hoc quod mihi reputatum est in hac synodo &c. Et cap. cccxxxviii. De hoc quod tu accusata es in presentia istius Episcopi in hac synodo &c. De hac ultima synodo intelligendum puto canonem Triburiensem à Reginone infra relatum cap. ccxcvi. Quin & Richardus Bituricensis Archiepiscopus, qui regnante Philippo primo Francorum Rege vixit, conventum pro dedicatione cuiusdam Ecclesiæ factum vocat Concilium, quia haud dubiè tunc illic fecit quod tum facere solebant Episcopi cum diœceses suas circuibant.

**I N P R A T E R M. O C C U R R.]** Capitula Herardi Archiepiscopi Turonensis cap. cxxxiiii. Ut vocati ad synodum in pratermissione occurrant. Sin alias, condementur.

**N E Q U A Q. I N F A C I L.]** juxta regulam sancti Gregorij, qui sic scribit ad Maximianum Episcopum Syracusanum lib. ii. Indict. x. epist. iv. Si qua fortassis difficultia existunt, quæ fraternitatis tuae iudicio nequaquam dirimi possint, hac solummodo nostrum judicium flagitent; ut sublevati de minimis, in causis majoribus efficacius occupemur.

**E P I S C O P U S I N S Y N O D O ]** Burchardus ista & quæ deinceps sequuntur usque ad caput sextum tri-

buit Eutychiano Papæ , cui etiam tribuuntur in veteri codice MS. monasterij Rivipullensis. Verum hinc manifestum est illa descripta esse in veteri codice ex Decreto Burchardi quod numeri illic adscripti sunt quales extant apud Burchardum. In titulo enim ista leguntur : *Decretalis institutio Euticiani Papa, quid Episcopi in synodo debeant inquirere. Capitul. xcii. Tum: Jusjurandum synodale xcii.* Postea : *Juramentum ceterorum xciii.* Et sic de ceteris. Igitur ante Burchardum ista non dicebantur esse Eutychiani Papæ; ut re vera illius esse non possunt , cum multa illic habeantur quæ Karoli magni ævum apertè redolent , Eutychianus autem Romæ sederit sub finem tertij seculi. Adeo autem nota non erant ævo Karoli magni , saltem sub nomine Eutychiani aut alicujus alias Romani Pontificis , ut neque extent in collectione epistolarum pontificiarum ex quibus Galliam Germaniamque replevit Riculfus Archiepiscopus Moguntinus , neque ex Eutychiano laudentur à Reginone. Quo factum pariter est ut qui collectiones Conciliorum procurarunt , cum sine delectu cuncta ederent quibus veneranda priscorum Pontificum Romanorum nomina præfiguntur , ista tamen Eutychiani decreta omiserint. Mea opinio est , illa non esse ex Concilio quopiam , neque ex decretis alicujus Romani Pontificis , sed formulam fuisse secundum quam Episcopi interrogare debebant laicos in unaquaqua parœcia , eam porrò formulam eodem tempore inventam fuisse quo Inquisitio de vita Clericorum quæ præmissa est initio libri primi.

**S Y N O D A L E M C A U S A M ]** id est , quæ ad Episcopi cognitionem pertineat , quæ judicari debeat in audiencia episcopali , nimirum ad dandam pœnitentiā , ut patet ex capit. 238. 278. 318. & 426. istius secundi libri. Vetus charta nondum edita de pace Moninensis Ecclesiæ tempore Callisti secundi confecta : *Quod si Episcopus vel Legatus ipsius in loco ubi de synodalibus causis placitari solet injuriatus vel inquietatus fuerit , & pacifice synodalia determinare nequiverit , canonico iudicio diffinitum est ut universaliter deinceps ad matricem convenientiam Ecclesiam , illic de omnibus justitiam negotiis facturi de quibus ammoniti fuerint per Episcopi legationem.*

FAIDAM] id est, apertam & capitalem inimicitiam ob cæsum aliquem de propinquis suscepit; ut recte explicatum à Sirmondo est, & patet etiam ex isto Reginonis loco, itemque ex capite ccxxi. Interdum tamen faida significat simpliciter inimicitiam, quamvis de cæde non agatur, ut in libro secundo legis Longobardorum tit. xiii. cap. ii. De faidis coercendis constitutio extat infrā cap. lxxxii. A faida deductum est faidosus, id est, is qui faidam patitur, cuius vita in tuto non est propter inimicitias capitales. Ex eodem fonte fluxit vocabulum *faiditus*, quod significat propriè rebellem ac proditorem, ob eam causam proscriptum & exulem, ut adnotatum est à nobis in Notis ad Concilia Galliæ Narbonensis. Fallitur enim Vossius, cùm ex prava lectione quæ extat apud Petrum monachum Vallium Cernaij in capite lxxxv. historiæ Albigensium, ubi post ruptarios nominantur *faydici*, tum etiam deceptus nota marginali, ubi scriptum est *forte fatidici*, putavit heic agi de his qui fata aliis prædicturos se promittunt, cùm tamen de faiditis agatur, id est, proditoribus proscriptis seu bannitis. Hinc faidimentum pro proditione.

§. 6. QUOD MORTH DICUNT] Lib. i. legis Longobard. tit. ix. cap. xv. & tit. xxxvi. cap. i. Si servus Regis morth fecerit, ita decernimus, ut componat ipsam personam sicut appretiata fuerit, & servus ipse super fossam ipsius mortui appendatur, ut in eo vindicta detur, & sit causa finita.

§. 53. ORDIENDIS TELIS] Editio Helmstad ordinandis. Codex M S. ordiendis. Isaiæ cap. xv. Telam quam orditus est.

§. 55. NISI IN ECCLESIA] Igitur per illas tempestates corpora mortuorum deferebantur ad Ecclesiam, ibique custodiebantur in vigiliis nocturnis. Istud deinde mutatum est. Sed quo tempore acciderit ista immutatio non adeo facile discerni potest. Vir clarissimus Laurentius Bochellus in libro tertio Decretorum Ecclesiæ Gallicanæ tit. xxi. cap. xi. refert decretum quoddam ex synodalibus Ecclesiæ Remensis, in quibus cavetur ut corpora mortuorum non vigilentur in Ecclesia de nocte propter maleficia que ex hoc accidere possent & sape acciderunt temporibus retroactis. Tum in capi-

texx x. ejusdem tituli describit aliud decretum ex sy- LIB. II.

nodalibus Ecclesiæ Trecensis, in quo ita scriptum est:

Inhibeant curati suis parochianis ne vigilent in Ecclesiæ de nocte quando corpora aliquorum defunctorum ibidem deportantur vel alibi, propter maleficia quæ ibidem sunt & temporibus retroactis contigerunt. Sed vir clarissimus non adnotavit tempus quo statuta illa condita fuerunt. Jam anteā Concilium Eliberitanum statuerat in canone xxxv. ne femina in cœmeterio pervagilent, eò quod sape sub obtentu orationis scelerata latenter committant.

Burchardus ista descriptis in initio libri sexti, ex c. 6. Concilio Triburiensi. Et tamen verbis Reginonis utitur, quæ elegantiora sunt vulgatis editionibus synodi Triburiensis. Tum tribuit illa primitus Melchiadi Papæ, cui à nullo alio tributa sunt. Sed cùm videret Reginonem ea repetere ex sanctionibus canonicas & ex iudicio Episcoporum, judicium Episcoporum canonibus Concilij Triburiensis, sanctiones canonicas putavit tribuendas esse Romano cuiquam Pontifici. Tum verò opportunè illi haud dubiè occurrit nomen Melchiadis. Hoc erat hominis ingenium.

MISSAM S. JOHA. ] id est, festum.

Caput istud non extat in vetustissimo libro Capitularium bibliothecæ regiæ ex quo prima Parisiensis editio Capitularium prodiit, neque in Colbertino, non demum in Rivipullensi. Quia tamen ex veteri libro editum est, cùm illi præterea fidem faciat ista collectio Reginonis itemque vetus collectio canonum MS. in bibliotheca regia, dubium non est quin fuerit olim in libris Capitularium. Sed utrum fuerit descriptum in libro quarto, ut habent vulgatae Capitularium editiones, vel in secundo, ut Regino citat, vel demum in quinto, ut in veteri collectione quam mox laudavimus, difficile dictu est. In collectione autem illa sic legitur: *Capitularium lib. v. cap. x c. Presbyteri interfecti Episcopo ad cuius parrochiam pertinent solvantur. Unde colligere possumus librariorum quandoque industria effectum esse ut permulta omitterentur in exemplaribus novis quæ faciebant Capitularium, quæ tamen extabant in illis antiquioribus.* Burchardus, ut assoler, caput istud non laudat ex libris Capitularium, sed ex Concilio Triburiensi cap. v. In capite sanè quarto il-

c. 9.

c. 41.

O o iii

lius Concilij statuitur de compositione Presbyteri occisi. Attamen omnia diversa sunt à sensu istius capituli. Hinc ergo deceptus est Burchardus quod putaret capita quae sequuntur post caput xxxvii. istius libri, quod expressum est ex canonibus Concilij Triburensis, ad idem Concilium pertinere donec veniretur ad constitutionem Concilij Vvormatiensis. Hic est fons & origo, quod sæpe dicendum est, multorum errorum apud Burchardum. Sed tamen idem in hoc loco videtur non egisse bona fide. Nam quæ illic dicuntur de Capitulari Karoli magni, ea omisit, ne quis putare posset acceptasse se istud caput ex libris Capitularium. Itaque qui clausulam illam suis editionibus adjectam non habent Ivo & Gratianus, ij decepti à Burchardo sunt.

c. 43. CUM DUODECIM ] Apud Burchardum & Gratianum legitur *cum lxxii. juret.* In Concilio autem Moguntino, unde sumptum est hoc caput, legitur *cum xii. juret.* Quo etiam modo habetur apud Reginonem tam in editione Helmæstadiensi quam in codice Parisiensi. Absurdum præterea est quemquam cogi ad inventandum tot conjuratores. Denique duodecim tantum vulgo tum adhiberi solitos patet ex libro secundo Capitulari. cap. 23. lib. 1 v. cap. 13. & 26. lib. v. cap. 201. tum etiam ex libro primo legis Longobardor. tit. XIII. cap. 3. tit. XVI. cap. 2. tit. XXV. cap. 73. & lib. II. tit. 1. cap. 2. tit. XIV. cap. 1. & tit. LV. cap. 2. 3. 5. & 33. ex titulo denique LIII. legis Alamannorum, & ex titulo VIII. & LII. legis Burgundionum. Attamen lxxii. sacramentales adhibitos fuisse in causa Otæ Reginæ docet auctor annalium Fuldensum ad annum DCCCXCVII. si vera est lectio.

UXOREM AMITTAT ] Apud Burchardum & Gratianum, tum etiam in libro quinto Decretalium, legitur, *& absque spe conjugij maneat,* magno inter haec discrimine, ut nemo non videt. Sanè caput xxiv. Concilij Moguntini, unde, uti diximus, sumptum est hoc caput, habet *& uxorem amittat.*

REGINBALDUM CHOREPISC. ] Levabat hic Otagarium Moguntinum Archiepiscopum fasce episcopali, ut patet ex Rudolfo in vita Rhabani & ex veteri inscriptione quam Broverus edidit in libro secundo antiquitatum Fuldensum cap. xv. quæ sic habet: *An-*

## NOTÆ AD REGINONEM.

583

no Domini DCCCVIII. (lege DCCCXXXVIII.) In LIB. IX.  
 dictione x v. dedicatum est hoc oratorium ius tu Otgarij  
 Archiepiscopi à Reginaldo Corepiscopo vi. Kalend. Octo-  
 bris. Epistola porrò Rhabani ad eum scripta, quam  
 heic citat Regino, nondum edita est integra. Frag-  
 mента autem alia ab isto refert Regino infra cap. ccii.  
 & cccxi v. Reginaldi epitaphium extat inter poë-  
 mata Rhabani. Eo itaque mortuo, Thiotmarus fuit  
 Chorepiscopus Moguntinus, ut Rhabanus testatur in  
 epistola ad eum scripta, quæ extat in initio libri de sa-  
 cris ordinibus. Hæc sunt ejus verba: *Et quia mei coo-  
 peratorem in sacro ministerio te elegi, hortor ut quod pro  
 infirmitate corporis coram multis exponere non possum, tu,  
 qui junior etate & validior es corpore, illis qui ad sacer-  
 dotium ordinati sunt & ministerium sacerdotale agere  
 debent notum facias.* Itaque codex vetus bibliothecæ  
 regiae ex quo nos nuper edidimus librum Rhabani de  
 Chorepiscopis, fuit ejusdem Thiotmari, cum in fron-  
 te libri ista antiquitus scripta sint: *Thiotmar Corepis-  
 copus adquisivit.* De quo libro, quoniam occasio tulit,  
 admonendum est mentionem factam esse à Rudolfo  
 Presbytero in vita Rhabani. Sunt quoque alia opuscula  
 ejus, inquit, quæ ad interrogata diversorum ei respon-  
 dere necessarium fuit; quorum unum est de Corepiscopo-  
 rum ordinatione; super quo ad Drugonem Archiepisco-  
 pum scripsit librum unum. Sed ut ad Thiotmarum re-  
 deamus, fuerat ille antea monachus Fuldensis sub  
 Rhabano, ut docet idem Rudolfus his verbis: *Quidam  
 Presbyter ex monachis nostris, nomine Theotmar, pro  
 causis quibusdam ab Abbe ad Otgarium Archiepisco-  
 pum misus.*

ANTE JANUAM] Jubet hic canon ut pueri quo- c. 69.  
 rum matres agnosci nolunt, non occiduntur, sed ante  
 januam Ecclesiæ projiciantur, ut dein ab aliquo fide-  
 li suscipiantur nutriendi. Vide lib. vi. Capitular. cap.  
 142. & Burchardum lib. 111. cap. 201. & 202.

Caput istud non extat in libro tertio Capitularium, c. 75.  
 ut hodie editus est, sed in primo. Et tamen habetur in  
 fine libri tertij in veteri codice M S. ex quo prodiit  
 Parisiensis prima editio Capitularium, item in codice  
 Rivipullensi, tum etiam in Colbertiano. In nullo au-  
 tem veterum codicum quos vidi extat in libro primo.

Oo iiij

Et, quod mirum est, non extat in codice quo usi sunt qui primam editionem Parisiensem adornarunt. Simile accidit capiti de æqualibus mensuris & ponderibus, ut adnotabimus infra ad caput **ccccxxvii**, istius libri.

- c. 77. **CAMPUM APPELLANT**] Sic emendatum est ex codice M S. Parisiensi. Nam editio Helmæstadiensis habebat *quod Capitulum appellant*. Diploma Roberti Regis à Francisco Pithœo laudatum: *Legem duelli. quod vulgo dici ur campus*. Synodus Dingoltingensis cap. **xxiv**. Qui suprà predicta pugna, *quod Camfuvic dicimus*, peracto judicio, se simili vindicta erigere contra querentem presumperit, sacramentum quod ab eis dicitur *ju*: et in Ecclesia cum tribus suprà nominatis sacramentalibus. Hinc campio in lege Longobardor. lib. **ii**. tit. **lv**. cap. **xii**. & **xxiv**. Et campio ibidem lib. **i**. tit. **iii**. cap. **vi**. Vide Glossarium Lindenbrogi.
- c. 80. **COTIONES**] Hincmarus epist. v. ad Karolum Calvum: *Etiam ipsi cocciones rapinas faciunt*. Vide Glossarium Pithœi.
- c. 81. **COERCENDIS**] Ita vetus codex, cui consentiunt libri Capitularium. In editione Helmæstadiensi legitur: *De faidis coharedum*.
- c. 109. **NON HOMO**] Eodem argumentandi genere usus est Innocentius III. ut ostenderet translationes, depositiones, ac cessiones Episcoporum jure divino pertinere ad Summum Pontificem. Ait enim Deum suo tantum judicio reservasse dissolutionem carnalis conjugij, vinculum autem spirituale fortius esse quam carnale, & ideo ista attingere nullum posse præter Pontificem Romanum. Non enim, inquit, humana sed etiam divina potestate conjugium spirituale disolvitur cum per translationem vel depositionem aut etiam cessionem auctoritate Romani Pontificis, quem constat esse Vicarium Iesu Christi, Episcopus ab Ecclesia removetur. Extat hæc constitutio lib. i. epistolarum Innocentij III. epist. **532**, & inde in cap. *Inter corporalia*. De translatione Episcopi. Vide lib. **vii**. de concordia sacerdotij & imperij cap. **xxvi**. §. **viii**.
- c. 114. **CÙM NOS EX UTRAQUI E**] Heic adnotandum est Nicolaum Papam non traxisse ad se cognitionem divortij Lotharij & Thetbergæ ex privilegio tantum

suæ sedis, sed quia judex electus erat ab utraque parte. Quæ observatio magni momenti est ad retundendam Innocentij III. argumentationem, qui ad Philippum Augustum scribens de divortio ejus cum Ingeburge, exemplum Lotharij referens, quæ adversus illum à Nicolao facta sunt, ea ab ipso facta esse scribit vi officij ac potestatis suæ. *Putásne, inquit, magnifice Rex, quod etsi præfatus prædecessor noster præstantior nobis fuerit merito & sapientia, nos eo simus officio & potestate minores?* Data Laterani v. Idus Decembris anno M C C V I I I.

SINE LICENTIA ] Vide Notas ad apologeticum c. 126.  
Agobardi cap. ix.

Apud Paulum lib. II. Sentent. tit. xix. caput istud c. 130. sic expressum est: *Neque furiosus neque furiosa matrimonium contrahere possunt; sed contractum matrimonium furore non tollitur.* Cui sententiae hanc interpretationem subjunxit Anianus: *Si qui matrimonium sani contraxerint, & uni ex duabus amenia aut furor cesserit, ob hanc infirmitatem conjugia talium solvi non possunt.* Hæc tantum apud Paulum & interpretem. Quæ sequuntur ergo apud Reginonem & Burchardum sumpta fortassis sunt ex epistola Nicolai primi ad Carolum Archiepiscopum Moguntinum, cuius fragmenta referunt Luitprandus seu quis alias in vita Nicolai I. Burchardus in excerptis editis à Stevartio pag. 687. & Gratianus dist. 50. cap. 33. & 32. q. 7. cap. 25. Quod ultimum caput, illud nimurum de quo nunc agimus, eidem Nicolao tribuit Burchardus. Sed apud Gratianum additur clausula quæ non extat apud Reginonem & Burchardum. Sic enim habet editio Gratiani: *Similiter sentendum de his qui ab adversariis excæcantur, aut membris truncantur, aut à barbaris exsecti sunt.* Vide Autonium Angustinum lib. II. de commendatione Gratiani, dialogo XVIII.

Eadem nocte ] Hortatur hic canon virum & novam nuptiam uti prima nocte nuptiarum abstineant ab opere conjugali. Hæc exhortatio postea versa est in necessitatem in aliquibus diœcessibus. Nam, ut istud exempli dicamus, apud Abbatis-villam in diœcesi Ambianensi ea olim consuetudo erat ut illis qui noviter matrimonio juncti erant non liceret coire tribus

**L I B . II.** prioribus noctibus post nuptias. quam consuetudinem decreto suo sustulit Parliamentum Parisiense anno M D I . die xi. Martij. Quant à non coucher de troys nuyz avec sa femme au commencement du mariage , les demandeurs auront la recreance le proces pendent , & pourront les espousés coucher franchement les troys premières nuyz avec leurs femmes. Decretum illud integrum in suis Statutis synodalibus inseruit Stephanus Ponchierius Episcopus Parisiensis. Sic Innocentius III. lib. x. epist. LXXXV. repressit avaritiam Episcopi Aniciensis, qui legitima viduarum matrimonia impeditiebat donec ejus consensum numerata pecunia redemissent.

**G E N I T I A R I A S ]** Vide suprà cap. c c x l v i . libri primi.

c. 178. **M U N D I B U R D I S ]** id est , tutoribus , ut infrà in cap. xxxviii secundæ appendicis. Tutelam patrocinij nomine designat vulgatus canon xxiv. Concilij Triburiensis , ex quo sumptum est istud caput. Mundeburdus autem vel mundeburdium significat tuitionem , defensionem , protectionem. Mundualdum pro mundiburdo sive tutore dicunt leges Longobardorum.

c. 179. **A B A L T A R I ]** Ipsæ enim velum ab altari sumere debabant & sibi imponere. quod vetitum erat Episcopis.

c. 199. **M O R C H I D U M ]** Ita editio Helmæstadiensis , ita codex Parisiensis , ita Burchardus , ita Pœnitentiale Romanum Antonij Augustini tit. i i i . cap. viii ita denique Ivo parte ix. cap. lxx. in omnibus editionibus. Et tamen Lindenbrogius & Vossius ita confidenter mortridum legunt apud Ivonem ac si ea sola lectio illic haberetur , cum nullum interim vetustum codicem laudent suæ emendationis auctorem. Visum est igitur retinendam esse veterem lectio n e m ; quam etiam consensum tot librorum securi , reposuimus in capite vige simo epistolæ Rhabani ad Heribaldum , cum editio Stevartij haberet mordicum . quæ vox , tamenetsi corrupta , indicat morchidum primitus scriptum fuisse in illa epistola. Morchidum itaque , ut rectè monuit Antonius Augustinus , homicidium significat , non à cæde tamen deducta origine vocabuli , ut ille putavit , cum morchidum non sit vox Latina , sed Theodisca , ut docet Rhabanus in loco mox laudato.

c. 200. **S C E L U S M U L T I P L I C E T U R ]** Post illa verba

desunt octo folia in codice Parisiensi M S. nimirum Lib. II. usque ad paragraphum septimum capit. c c x LVI. Itaque hunc hiatum opportunè supplevit Helmæstadensis editio ; quam, sicuti mendo non vacare visa est, emendavimus ex vulgatis editionibus Conciliorum aut scriptorum ex quibus perita sunt capita quæ in illis octo foliis descripta erant, tum etiam ope Burchardi & antiqui codicis M S. sancti Germani de pratis in quo extant fragmenta aliquot epistolarum Rhabani ad Humbertum Episcopum & ad Reginaldum Chorpiscopum. Alicubi etiam adjumento nobis fuit Pœnitentiale Romanum editum ab Antonio Augustino. Titulos verò capitum emendavimus ex indiculo qui præfixus est initio operis.

**GENICULO**] id est, generatione, progenie. Vide <sup>c. 212.</sup> lib. v. Capitular. cap. 80. & 128. Concilium Moguntinum sub Rhabano cap. xxx. & libro 11. legis Longobardor. tit. XIV. cap. 1. Dicebant etiam genu pro geniculo ; ut in Capitulis Ahytonis Basileensis cap. XXI. & alibi.

**SEXAGINTA SOL.**] Pœna ejus qui incestuosum suscepit, heic apud Reginonem erat x l. solidorum. Nos, quia hoc loco destituebamur auxilio manu scripti codicis, aliunde ista emendavimus. In Concilio quippe Metensi sub Pippino, unde ista sumpta sunt, tum etiam in libris Capitularium editis & manu scriptis, denique in canonibus Isaac Lingonensis Episcopi tam editis quam MSS. tit. IV. cap. 1. constanter scriptum est cum qui transgressus fuerit hanc legem, sexaginta solidos Regi compositurum. Hic enim erat bannus dominicus seu regius, ut patet ex variis locis Capitularium. Error igitur apud Reginonem ortus ex transpositione numerorum, x l. pro l x.

**COMPUTARE**] narrare, compter. <sup>c. 231.</sup>

**AD CRUCEM**] Vetus deinde est judicium crucis lege Karoli magni quæ extat in libro primo Capitularium cap. CVIII. & lib. 11. legis Longobardor. tit. LV. cap. XXXII. Nihilo tamen minus retentus est hic mos, ut patet ex Agobardo.

**SERVITIO HUMANO**] Erat igitur aliquod libidinis genus quod homines liberos ad servitutem demittebat, sicut de feminis adnotatum est supra ad caput <sup>Pag. 304</sup>

CCXLVI. libri primi. Sic in lege Vvisigothorum lib.  
VIII. tit. VI. cap. XI. adulterator monetæ libertatem amittit & servitio deputatur.

- c. 262. HÆC DE MULTIM. ] Verba sunt Reginonis.
- c. 274. BASTINIACO ] In libro sexto Capitularium & in Capitulis Karoli Calvi legitur *bastonico*. Id autem interpretantur arctissimam custodiam. Ego puto intelligi de carcere regio, cuiusmodi sunt quæ nunc conciergeriæ vocantur. Porro clausula illa *Postmodum vero &c. usque ad paenam luat*, non extat in editione Helmæstadiensi. Addita igitur est ex codice Parisiensi.
- c. 276. CORPUS DOMINI ] Jam alij observaverunt unam ex diversis judiciorum formis quæ olim usurabantur in rebus dubiis fuisse corpus Domini. Quod à Roberto Rege damnatum esse in epistola scripta ad Leothericum Archiepiscopum Senonensem docet Helgaldus in initio vitæ ejus. Attamen hunc morem retentum adhuc fuisse ævo Gregorij VII. testatur Lambertus Schafnaburgensis ad annum MLXXVII. ubi ait Gregorium, celebrata Missa, confectaque sacra oblatione, Regem evocasse ad altare, & manu præferentem corpus dominicum, cum multa prolocutus esset de sua innocentia, hæc demum addidisse : *Vt satisfactionis compendio omnem omnibus scandali scrupulum de medio auferam, ecce corpus dominicum quod sumpturus ero, in experimentum mihi hodie fiat innocentia mea*; ut omnipotens Deus suo me hodie *judicio vel absolvat* objecti criminis suspicione, si innocens sum, vel subitanea interimat morte, si reus. Hæc & alia, ut solenne est, prefatis verba terribilia, quibus Deum causa sua & quissimum judicem & innocentia assertorem adesse precabatur, partem dominici corporis accepit & comedit. Vide caput sequens Reginonis, quod est de eadem materia. Vide etiam appendicem adjectam chronicō Reginonis ad annum DCCCCXL.
- c. 282. SACRILEGIUM FACIT ] Vide Notas ad librum Agobardi de dispensatione ecclesiasticarum rerum cap. XVIII.
- c. 292. FAIDAM PORTET ] Porte inimitié. Vide Sirmondum in Notis ad Capitula Karoli Calvi.
- c. 295. COMMUNIONE ] Legendum *commonition*, ut monuimus in margine. Nam & in canonibus vulgatis

## NOTÆ AD REGINONEM.

589

Concilij quarti Toletani scriptum est *admonitione pro Lib. II.*  
 eo quod Regino habet *communione*. Et mox canon ad-  
 monitionem vocat quod hoc loco communionem di-  
 xerat. Infrà cap. 408. legitur: *Quod si eas tres admo-*  
*nitiones &c.* Codex autem Parisiensis habet: *Quod si*  
*eas tres communiones.* Ex his ergo colligitur *voces com-*  
*muniō & commoniō* permutari olim invicem solitas,  
 adeoque legitimam esse emendationem ab illustrissimo  
 viro Petro de Marca Parisiensi Archiepiscopo adhibi-  
 tam epistolæ Concilij Italici ad Theodosium: in qua  
 cùm editum à Sirmondo sit, à qua in omnes venerande  
 commonitionis *jura dimanant*, Marca reposuit *commu-*  
*nionis.*

IMPUNITAS VITIORUM ] Lupus Ferrarensis in libro de tribus quæstionibus pag. 210. *Spes impunitatis magna est peccandi illecebra.* Constat Lupum interfuisse huic synodo Suescionensi, in cuius actione secunda revelavit synodo gesta depositionis Ebbonis Archiepiscopi Remensis. Cùm itaque in synodo fuerit, & in canone isto verba ejus reperiantur, dubitare cogor annon auctor sit canonum istius synodi Suescionensis, quemadmodum auctor est canonum inventorum in palatio Vernensi. Nam Episcopi Gallicani, ut olim diximus ad epistolam l. x. Lupi, adeo magni virum faciebant ut cum spectarent veluti conditorem canonum, atque adeo ejus præsentiam in synodis necessariam esse quodam modo existimarent. Rursum ejus opera usi sunt Vvenilo Senonensis Archiepiscopus & suffraganei ejus cùm adversus Herimannum Episcopum Nivernensem ad Nicolaum Papam scribebent epistolam cxxx. inter Lupinas.

CONTIONE VEL CONTENT.] In Codice c. 309.  
 Theodosiano tantum in *contentione* habetur. Itaque admonitio fuit librarij; qui cùm divinare non posset quid potius legendum esset, *contione*, *vel contentione*, utrumque posuit, lectori judicium integrum relinquentis. Sic enim solebant antiqui librarij, ut pluribus exemplis probavimus ad Salvianum pag. 403. & ad Lupum Ferrarensim pag. 346. & 451. Eadem medica fortassis adhibenda est huic loco Minucij Felicis: *dum aras extruunt ignotis numinibus & manibus.* Hanc ultimam vocem heic esse superfluam aut corruptam

590 putabat Def. Heraldus. Quid si legamus, *ignotis numinibus vel manibus*, ut sit admonitio librarij? Sic apud sanctum Gregorium lib. I v. epist. LIII. editum est, *ex istius rei consideratione seu comparatione bene colligitur*. Pro quo hæc tantum habentur in vetustissimo codice M.S. sancti Remigij Remensis: *rei comparatione colligitur*. Ita levissima sunt interdum magni momenti.

c. 3128 A U D E T J U R A R E ] Constanſ apud Reginonem, tum in editione Helmaſtadiensi, tum in codice Parſienſi, lectio eſt in ſanctis audet jurare. quo etiam modo ſcriptum eſt apud Burchardum, qui Reginonem haud dubiè deſcripsit. Et tamen in omnibus libris Capitularium tam editis quam M.S. legitur in ſanctis habet jurare, optimo ſenſu. eaque lectio ſola bona eſt. Lectionem porrò ejusdem capituli quam præfert Regi- no, in qua nulla mentio de Gunebodignis, conſirmant vetuſtissimi libri Capitularium bibliothecæ regiæ & Colbertinæ, tum etiam Burchardus & Ivo Carnotensis parte XI. cap. 23. & vetus collecțio canonum M.S. in bibliotheca regia, itemque Gratianus 22. q. 5. cap. Parvuli. Nullibi enim extat clauſula quæ huic loco adjecta eſt in editione Capitularium, ſicut Gunebodigni faciunt. Eam tamen exhibet editio Viti Amerbachij, tum etiam editiones Parifienses, & vetus codex M.S. monasterij Rivipullenſi, denique liber legum Longobardicarum. Adnotat autem Amerbachius in codice quo ipſe uetus eſt vocabulo Gunebodigni ſuperpoſitum fuile voce Guntlodigni, neutrum verò eſſe in cap. Parvuli. 22. q. 5. Significatur autem, inquit, gens aliqua, vel populus, vel familia. Amerbachio felicior non fuit in explicatione iſtius vocabuli vir alioqui doctissimus Antonius Augustinus Archiepiscopus Tarraconensis; qui in libro primo de emendatione Gratiani dialogo XLI. quærens quid ſignificet vox Gunebodigni, fingit Karoli magni hostes fuile. Et tamen Gunebodigni, id eſt, ij qui lege Gundobada vivebant, nimirum Burgundiones, hoſtes non erant Karoli magni, cùm imperio illius ſubjecti eſſent. Gunebodignos autem eos fuile qui Gundobada lege utebantur, tum vox ipſa ſatis oſtendit, tum præterea patet ex laudato libro legum Longobardicarum; ubi pro eo quod edi-

NOTÆ AD REGINONEM.

591

tiones Capitularium habent *Gunebodigni* legitur *sicut Lib. II.*  
*Gundobada lege viventes faciunt.* Vide Notas nostras ad  
librum Agobardi adversus legem Gundobadi.

EXCEPTO HIS SACR.] Sic vulgò per ea tem- c. 314.  
pora loquebantur. Infrà cap. CCCLVIII, excepto ad  
Ecclesiast. Lib. IIII. legis Vvisigothor. tit. v. cap. I,  
legitur in vulgatis editionibus, *exceptis illis personis.*  
Pro quo vetustissimi codices MSS. monasterij Moyssia-  
ceensis & Ecclesiæ Albensis habent *excepto illas personas.*

INDICULO] Sic tum vulgò vocabant diploma c. 315.  
Principis quod in præsens dabatur. *Vne letre de cachet.*  
Bonifacius Moguntinus epistola c. IV. ad Pippinum Re-  
gem: *Quidam servus Ecclesie nostra veniens ad nos cum*  
*midiculo vestro &c.* Vide Notas ad librum Agobardi de  
insolentia Judæorum.

SCUTIS ET FUSTIB.] Vide lib. II. legis Lon- c. 334.  
gobard. tit. LV. cap. XXIX.

SERVUM CHRISTIA.] Vide Notas ad librum c. 346.  
Agobardi de insolentia Judæorum.

VOTA AD ARBOR. ] Capitulatio Karoli mag- c. 358.  
ni de partibus Saxoniæ cap. XX. *Si quis ad fontes aut*  
*arbores vel lucos votum fecerit, aut aliquid more genti-*  
*lium obtulerit, & ad honorem dæmonum comederit.*  
&c. Lib. I. Capitular. cap. LXIV. Item de arboribus  
vel petris vel fontibus, *ubi aliqui stulti luminaria vel*  
*alias observationes faciunt, omnino mandamus ut iste*  
*pessimus usus & Deo execrabilis, ubiunque invenitur,*  
*tollatur & destruatur.* Vide rursum lib. VII. cap. 236.  
Ita statuta sunt post tempora sancti Bonifacij, qui su-  
perstitionem illam exscindere curavit, ut in libro pri-  
mo de vita ejus narrat Othlonus Fuldensis. Quin &  
ipse Bonifacius in epistola c. XXVIII. populos Germa-  
niæ admonet ut lucorum vel fontium auguria vel phy-  
laëteria omnino respuant & abjiciant. Vide Glossa-  
rium Pithœi in verbo *Luminaria.*

Hunc canonem sumpxit Regino ex eodem loco ex c. 363.  
quo tria superiora capita acceperat, id est, ex epistola  
Rhabani ad Heribaldum Episcopum Autissiodoren-  
sem. Et quia Rhabanus illum laudaverat ex Concilio  
Ancyrano, Regino quoque inde se accepisse profitetur.  
quem secuti sunt Burchardus & Ivo. Et tamen canon  
iste non est Concilij Ancyrani, sed haud dubiè cuius-

dam veteris libri pœnitentialis. Vide præfationem ad epistolam Rhabani ad Heribaldum §. xviiii.

c. 364. Caput istud apud Reginonem sic inscriptum est : *Vnde suprà*. Quod ideo positum haud dubiè erat ut hinc intelligerent lectores in capite sequenti agi de eadem materia de qua paulò antè tractatum erat, id est, de maleficiis mulierum. Deinde secutus est Burchardus : qui cùm collectionem suam adornaret, pleraque à Reginone accipiens, deceptus autem falsa inscriptione proximi canonis, qui concilio Ancyrano perperam tribuitur, putavit verba illa *Vnde suprà* referenda esse ad Concilium Ancyranum. Ex Burchardo porrò descripsérunt Ivo Carnotensis parte xi. cap. 30. & Gratianus 26. q. 5. cap. 12. qui canonem illum se accepisse aiunt ex capite primo Concilij Ancyran. Verùm rectè admonuit vir istarum rerum peritissimus Antonius Augustinus in libro primo de emendatione Gratiani dialogo xiv. inscriptionem hanc esse falsam, & magnam partem istius capituli reperiri apud Aurelium Augustinum in libro de spiritu & anima cap. xxviii, nimis quicquid interjacet inter illa verba *quædam scelerata* & ista cùm Ezechiel. Si conjecturæ locus erit, omnino puto caput istud sumptum esse ex quodam Regum nostrorum Capitulari hactenus inedito. Omnino enim sapit modum loquendi illorum temporum. Et solebant tum istiusmodi Capitula infercere testimoniis & locis sacrorum bibliorum, canonum, & veterum doctorum, ut cuivis manifestum est.

c. 365. STRUMENTA] instrumenta. Præceptum Ludovici Pij pro Ecclesia Parisensi : quod per incuriam & negligentiam custodum ipsius Ecclesia strumenta cartarum exusta vel concremata sive perditæ fuissent. Et infrà : Mancipia que per prefata strumenta cartarum eidem tradita fuerant Ecclesia. Præceptum Ludovici Transmarini pro Ecclesia Augustodunensi : ac si pre manibus universa earundem rerum sive cartarum strumenta habeantur.

c. 412. PER PETRUM] Ambiguum loquendi genus, quo significatur auctoritatem Episcopis à Christo collatam esse in persona Petri, tum etiam Petrum solum accepisse eam potestatem, sed illam postea communicasse cum Episcopis. qua persuasione imbuti fuerunt nonnulli

## NOTÆ AD REGINONEM.

nonnulli Romani Pontifices. Verus tamen ac genui-  
nus hujus loci sensus est, potestatem suam accepisse  
Episcopos à Christo in persona Petri, qui tum gessit  
totius Ecclesiæ figurata generalitate personam, ut ait  
Augustinus.

**D E C O N F E S S I O N E ]** Verba sunt Reginonis. c. 416.  
Caput istud non extat in Capitulis adnuntiatatis apud  
Valentianas anno DCCC LIIII. quæ extant in codice  
Capitularum Karoli Calvi. Legitur autem inter Capi-  
tula quæ statim post conventum apud Valentianas ha-  
bitum statuta sunt apud Silvacum, ubi relecta illa esse  
pater ex præfatione. De negotio porrò isto vide Capi-  
tula Karoli Calvi tit. XIII. cap. 6. & tit. XXXI.  
cap. 31.

**J U D I C I O D E I ]** id est, judicio aquæ ferventis  
aut frigidæ, vel ferri igniti. Antiquitus, ut observat  
Aventinus lib. I v. annalium Boiorum, istud erat sa-  
pere, fidem Deo habere, omnem spem in ipso collo-  
care. Nunc verò ista inter stultias & insanias illo-  
rum seculorum referuntur. Unde concludit Aventinus  
solere idem factum, diversis ætatibus, heic pietatis,  
alibi erroris nomen accipere.

**A'UT R E D I M A N T ]** manum nimirum quam  
amissuri erant propter hoc facinus. Suprà cap. CCCXIV.  
istius libri: *Si quis convictus fuerit perjurij, perdat ma-  
num, aut redimat.* Et cap. CCCXX X I V. *Ceteri verò  
falsi testes manus suas redimant.*

Jam monuimus ad caput LXXV. hujus libri pertur- c. 417.  
batum esse ordinem Capitularium, & in primum li-  
brum conjectum esse caput quod in manu scriptis codi-  
cibus ponitur in quarto, ut etiam citatur à Reginone.  
Idem evenit huic capiti de ponderibus & mensuris,  
quod ex libro tertio Capitularium refertur à Regino-  
ne. Non extat enim in libro primo in codice M S. ex  
quo prima Parisiensis editio prodiit, non in Rivipul-  
lensi, non demum in Colbertino. Utrobique enim le-  
gitur in fine libri tertij. In codice veteri ex quo prima  
Parisensis editio prodiit, est numero LXXXVI I. in  
fine libri tertij, in Rivipullensi verò XCII. in Col-  
bertino demum XC. ut citatur à Reginone.

**S I N G U L O S B I B E R E S ]** Vide suprà lib. I. cap. c. 432.  
216.

P p